



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Petri De Dusburg, Ordinis Teutonici Sacerdotis, Chronicon Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. LI. De Qvodam nobili Viro, qvi receptus fuit ad ordinem Domus  
Teutonicae.

**urn:nbn:de:hbz:466:1-11850**

CAP. L.

*Item de eodem.*

**F**Ratres de Elbingo qui adventum istarum navium diu cum magno tadio & defectu expectaverant, instructi de statu terræ Colmensis, naves cum suis iniitiis remiserunt, quæ dum venirent, circa castrum Svvetzam, Svvantepolcus cum multis armigeris & X. navibus iterum invasit eos. Capitaneus verò dicti Ducis fratrem Fridericum de Wida qui aliis præfuit est aggressus, & maxillam ejus lanceâ perforavit, sed frater Fridericus ex adverso se opponens ipsum interfecit. In navi civium de Elbingo, quæ cum impetu veniens stetit immobilis super arena, occisi fuerunt duo fratres; Sed frater Fridericus superveniens, alios liberavit & in suam navem locavit, sic quod duobus fratribus & III. viris & de parte adversa XX. interfectis alii evaserunt.

CAP. LI.

*De*

*Quodam nobili Viro, qui receptus fuit  
ad ordinem Domus Teutonicæ.*

**N**on longè postea deficientibus victualibus in castris, Fratres cum familia sua jam penè media consumpti clamaverunt pro auxilio ad Dominum, qui pia semper gestat viscera super afflictos. Undè cujusdam nobilis (a) viri de Cracovia ad religionis ingressum animum inclinavit, qui tres magnas naves vino & medone seu mellicrato, & aliis quæ ad victum sunt necessaria replens & CCC. boves & vaccas, & alia multa jumenta præmisit ad castrum Thorun, sequutusque cum magna reverentia est



*Conradus Landgr. Thur. V. Mag. Gen. Ord. Teutonici.  
Poppo de Osterna II. Mag. Provinc. in Prussia.*

est receptus & Ordinis Domus Teutonice suscepit (b) habitum regularem & fratres de magnis angustiis liberavit.

## ANIMADVERSIONES.

AD CAP. LI.

- (a) Nobilem hunc Virum de Cracovia, ne memoria ejus pereat, nominant quædam Chronica, sed recentiora. Et quidem in Bibliotheca Wallenrodiana primum Chronicon dicit, nomen ejus fuisse, Johannes Szandemjeski secundum autem forsitan correctius, Joannes Sandomirski. Hunc Joannem Hennebergerus dicit condidisse oppidum Bretchem, quod Poloni vocitant Bratizan, i. e. frater Joannes, quia Joannes hic factus erat Frater Ordinis Teutonici. Vid. Henneberg. in *Comment. ad Tab. Geogr. Pruss. tit. Bretchem.*
- (b) Ordinariè tantùm in Ordinem hunc admittebantur Nobiles Germani, sed extra ordinem admissi etiam sunt Poloni & Prussi Nobiles, ob magna in Ordinem Teutonicum merita, ut alibi uberius demonstrabitur.

## CAP. LII.

De

*Victoria in qua Fratres mille & quingentos Pomeranos occiderunt.*

FRATER Poppo Magister præmissis exploratoribus, qui diligentius respicerent quid ageret Svante polcus cum suo & Ducis Casemiri exercitu convenit juxta castrum (a) Wischerot, ibique castra metati sunt exploratores reversi dixerunt, quod Svante polcus cum magna potentia exercitus sui staret circa castrum Sveczam & firmaret illum. Consultum ergò videbatur omnibus, ut invaderent eum ibi, præmissique sunt de Colmine X. viri equites, qui exercitum inimicorum inquietarent, qui de XX. viris